


欽定四庫全書

子部

備急千金要方卷四十三





詳校官太醫院醫士臣舒岱

編修臣倉聖脈覆勘

大定回車全書

備急千金要方卷四十三

小腸方

小腸脈論第一

唐 孫思邈 撰

宋 林億等 校正

候也心合於小腸小腸
斤十四兩長二丈四尺

廣二寸四分
二寸半經八分
分之二少半也
後附脊左回

備急千金要方

疊積其注於回腸者外傳臍上回運環反十六曲常留

水穀二斗四升其一斗二升是水一斗二升是穀應主

二十四氣也

難經云十六曲盛穀二斗四升水六升三合合之大半甲乙云受三斗三合合之大

半脣厚人中長以候小腸小腸病者小腹痛腰脊控羸

而痛時窘之復耳前熱若寒甚獨肩上熱及手小指次

指之間熱若脉滑者

脉經作陷甲乙亦同

此其候也

小腹控羸引腰脊上衝心邪在小腸者連羸系屬於脊

貫肝肺絡心系氣盛則厥逆上衝腸胃動肝肺散於育

結於臍故取之育原以散之刺太陰以與之取厥陰以
下之取巨虛下廉以去之按其所過之經以調之

左手關前寸口陽絕者無小腸脉也苦臍痺小腹中有
疝瘕五月即冷上搶心刺手心主治陰心主在掌後橫
文中入一分

左手關前寸口陽實者小腸實也苦心下急熱痺小腸
內熱小便赤黃刺手太陽治陽手太陽在手小指外側
本節陷中

小腸有寒其心下重便膿血有熱必痔

小腸有宿食常暮發熱明日復止

小腸脹者小腹膜脹引腹痛

心前受病移於小腸心欬不已則氣與欬俱出

厥氣客於小腸夢聚邑街衢

心應皮皮厚者脉厚脉厚者小腸厚皮薄者脉薄脉薄者小腸薄皮緩者脉緩脉緩者小腸大而長皮薄而脉冲小者小腸小而短諸陽經脉皆多紆屈者小腸結

扁鵲云手少陰與太陽為表裏所以表清裏濁清實濁
虛故食下腸實而胃虛故腑實而不滿實則傷熱熱則
口張口為之生瘡虛則傷寒寒則便泄膿血或發裏水
其根在小腸先從腹起方見治水篇中

小腸絕不治六日死何以知之髮直如乾麻不得屈伸
白汗不止

手太陽之脉是動則噎痛頷腫不可以顧肩似拔臑似
折是主液所生病者耳聾目黃頰頷腫頸肩臑肘臂外

後廉痛

經脉支別已見心臟部中

小腸虛實第二

脉方灸法

小腸實熱

左手寸口人迎以前脉陽實者手太陽經也病苦身熱來去汗不出心中煩滿身重口中生瘡名曰小腸實熱也

柴胡澤瀉湯治小腸熱脹口瘡方

柴胡

澤瀉

橘皮

一用桔梗

黃芩

旋復花

枳實

升麻

芒硝各三兩

生地黃升切一

右九味㕮咀以水一斗煮取三升去滓下芒硝分三

服

大黃圓治小腸熱結滿不通方

大黃

芍藥

葶藶各二兩

大戟

朴硝各三兩

杏仁五十枚

巴豆七枚

右七味為末蜜和丸如梧子大飲服大人七丸小兒

二三丸日二熱去日一服

灸法

小腸熱滿灸陰都隨年壯穴俠中管兩邊相去一寸是也

小腸泄痢膿血灸魂舍一百壯小兒減之穴在俠臍兩邊相去各一寸

翼云相去一寸

又灸小腸輸七壯

小腸虛寒

左手寸口人迎以前脉陽虛者手太陽經也病苦顛際

偏頭痛耳頰痛名曰小腸虛寒也

治小腸虛寒痛下赤白腸滑腸中懊懣補之方

乾薑

三兩

當歸

黃蘗

地榆

各四兩

黃連

阿膠

各二兩

石榴皮

三枚

右七味㕮咀以水七升煮取二升五合去滓下膠煮取膠烱盡分三服

舌論第三

論曰凡舌者心主小腸之候也舌重十兩長七寸廣二

寸半善用機衡能調五味也凡有所啖若多食鹹則舌
脉凝而變色多食苦則舌皮槁而外毛焦枯多食辛則
舌筋急而爪枯乾多食酸則舌肉肥而脣揭多食甘則
舌根痛而外髮落又曰心欲苦肺欲辛肝欲酸脾欲甘
腎欲鹹此五味內合五臟之氣也若臟熱則舌生瘡引
脣揭赤若腑寒則舌本縮口噤脣青寒宜補之熱宜瀉
之不寒不熱依臟腑調之舌縮口噤脣青升麻煎主之
方見別卷

風眩第四

叙論方
灸禁法

前卷既有頭面風方風眩不當分出思邈蓋以此是
徐嗣伯方不可以餘方相雜故此特立風眩方條專
出徐氏方焉

徐嗣伯曰余少承家業頗習經方名醫要治備聞之矣
自謂風眩多途諸家未能必驗至於此術鄙意偏所究
也少來用之百無遺策今年將衰暮恐奄忽不追故顯
明證論以貽於後云爾

夫風眩之病起於心氣不定胃上蓄實故有高風面熱之所為也痰熱相感而動風風心相亂則悶瞽故謂之風眩大人曰癩小兒則為癩其實則一此方療治萬無不愈但恐證候不審或至差違大都忌食十二屬肉而賁豚為患發多氣急氣急則死不可救故此一湯是輕重之宜勿因此便謂非患所治風眩湯散丸煎凡有十方凡人初發宜急與續命湯也困急時但度灸穴便火針針之無不瘥者初得針竟便灸最良灸法次列於後

余業之以來三十餘年所救活者數十百人無不瘥矣
後人能曉此方幸勿參以餘術焉

續命湯治風眩發則煩悶無知口沫出四體角弓目反
上口噤不得言方

竹瀝

一升
二合

生地黄汁

一升

龍齒

四兩

防風

麻黃

各四兩

防己

三兩

附子

三分

石膏

七兩

桂心

二兩

右十味㕮咀以水一斗煮取三升分三服有氣加附

子作一兩紫蘇子五合橘皮半兩已服續命湯口開
四肢尚未好定而心中尚不除者紫石湯主之方見
後紫石煮散是也

賁豚湯治氣奔急欲絕方

吳茱萸升一

石膏

人參

半夏

芎藭各三分

桂心

芍藥

生薑各四分

生葛根

茯苓各十分

當歸四兩

李根皮一斤

右十二味㕮咀以水七升清酒八升煮取三升分三

服

防已地黃湯治言語狂錯眼目霍霍或言見鬼精神昏

亂方

防已

甘草

各二兩

桂心

防風

各三兩

生地黄

五斤別切勿合藥漬疾小輕用二斤

右五味㕮咀以水一升漬一宿絞汁著一面取滓著

竹箬上以地黄著藥滓上於五斗米下蒸之以銅器

盛取汁飯熟以向前藥汁合絞取之分再服

薯蕷湯治心中驚悸而四肢緩頭面熱心胸痰滿頭目眩胃如欲搖動方

薯蕷

麥門冬

人參各四兩

生地黄

前胡

芍藥各八分

枳實

遠志

生薑

各三分

茯苓

茯神各六分

半夏五分

甘草

黃芩

竹葉各二分

秫米三合

右十六味㕮咀取江水高舉手揚三百九十下量取三斗煮米減一斗內半夏復減九升去滓下藥煮取

四升分四服無江水處以千里東流水代之校手令
上頭也秦中無江水涇渭水可用諸葛灌劍由尚取
之

防風湯服前湯後四體尚不涼冷頭目眩轉者服之此
湯大勝宜長將服但藥中小小消息隨冷煖耳仍不除
瘥者依此方

防風

石膏

人參

赤石脂

白石脂

生薑

龍骨

寒水石

茯苓各三分

桂心二分

紫石一分

右十一味㕮咀以水八升煮取三升分三服凡用井花水者取清淨也今用江水無泥又無砂穢源泉遠涉順勢歸海不逆上流用以治頭必歸於下故也

薯蕷煎方

薯蕷二十分

甘草十四分

澤瀉

人參

黃芩各四分

當歸

白斂

桂心

防風各三分

麥門冬三分

山茱萸

桔梗

芍藥

紫苑

大豆黃卷

乾地黄

白朮

芍藥

乾薑

蜀椒

各二分已上二
十味並用擣篩

生地黄

十八斤搗絞取
汁煎令餘半

麋鹿雜髓

鹿角膠

各八兩

大棗

八十枚

麻子仁

研

蜜

各三升

桑根皮

五升忌岡上自出土者大毒大忌近
籬屋垣墻下溝瀆邊者皆不中用也

右二十七味以清酒二斗四升煮桑白皮麻子棗得

一斗去滓次下地黄汁膠髓蜜煎減半內前諸末併

煎令可丸如雞子黃大飲服一枚日三稍加至三丸

薯蕷圓治頭目眩胃心中煩鬱驚悸狂癲方

薯蕷二十分 甘草二十分 鹿角膠 大豆黃卷

桂心七分 乾地黄 神麴 當歸

人參十分 麥門冬 防風 黃芩

芍藥 白朮各六分 柴胡 桔梗

茯苓 杏仁 芎藭各五分 白欬

乾薑各三分 大棗一百枚
取膏

右二十二味為末合白蜜棗膏丸如彈丸先食服一
丸日三

天雄散治頭目眩暈屋轉旋倒方

天雄

防風

芍藥

人參

獨活

桂心

葛根

各三分

莽草

四分

白朮

遠志

薯蕷

茯苓

山茱萸

各六分

右十三味治下篩先食以菊花酒服方寸匕日二漸

加至三七以知為度

菊花酒法九月九日取鄧州甘菊花曝乾作末以米饋中蒸作

酒

人參圓治心中時恍惚不定方

上黨人參

鬼臼

鐵精

牛黃

丹砂

雄黃

大黃

菖蒲

防風各一兩

蜥蜴

赤足蜈蚣

右十一味為末蜜丸如梧子大用前菊花酒服七丸

日三夜一稍加之合藥勿用青紙忌見婦人青衣人

喪孝不具足人及濁穢六畜雞犬鼠等

灸法

其法以繩橫度口至兩邊既得口度之寸數便以其繩一頭更度鼻盡其兩邊兩孔間得鼻度之寸數中屈之取半合於口之全度中屈之先覓頭上迴髮當迴髮灸之以度度四邊左右前後當繩端而灸前以面為正並依年壯多少一年凡三灸皆須瘡瘥又灸壯數如前若連灸火氣引上其數處迴髮者則灸其近當鼻也若迴

髮近額者亦宜灸若指面為癩則闕其面處然病重者亦不得計此也

食禁

虎兔龍蛇牛馬猪羊雞犬猴鼠

右十二相屬肉物皆不得食及以為藥牛黃龍骨齒用不可廢

備急千金要方卷四十三

欽定四庫全書

備急千金要方卷四十四 唐 孫思邈 撰

宋 林億等 校正

小腸腑方

風癩第五

論方
針灸法

論曰黃帝問曰人生而病癩疾者安所得之岐伯對曰此得之在腹中時其母數有所大驚也氣上而不下精氣并居故令子發為癩疾病在諸陽脉且寒且熱諸分

且寒且熱名曰狂刺之虛脉視分盡熱病已而止病癩
 初發歲一發不治月一發不治四五日一發名曰癩疾
 刺諸分其脉尤寒者以針補之病已止癩疾始生先不
 樂頭重直視舉目赤其作極已而煩心候之於顏取手
 太陽陽明太陰血變而已癩疾始發而反強因而脊痛
 候之足太陽陽明太陰手太陽血變而已癩疾始作而
 引口啼呼甲乙作喘悸者候之手陽明太陽右強者攻其左
 左強者攻其右血變而止治癩疾者常與之居察其所

當取之處病至視之有過者即寫之置其血於瓠壺之中至其發時血獨動矣不動矣窮骨二十壯窮骨者尾骶也

骨癩疾者頷齒諸輸分肉皆滿而骨倨強直汗出煩悶嘔多涎沫氣下泄不療

筋癩疾者身拳攣急脉大刺項大經之本杼嘔多涎沫氣下泄不療

脉癩疾者暴仆四肢之脉皆脹而從滿脉盡刺之出血

不滿俠項灸太陽又灸帶脉於腰相去三寸諸分肉本
輸嘔多涎沫氣下泄不療

治癩者病發而狂面皮厚敦敦者死不療

凡癩發則卧地吐涎沫無知若強掠起如狂及遺糞者
難療

癩疾脉搏大滑久自已脉沉小急實死不療小牢急亦
不可治脉虛可療實則死矣厥成為癩疾五臟不平六
腑閉塞之所生也厥成為癩故附厥於此條也陰衰發

熱厥陽衰發寒厥

論曰黃帝問曰厥之寒熱者何也岐伯對曰陽氣衰於下則為寒厥陰氣衰於下則為熱厥問曰熱厥必起於足下者何也對曰陽氣起於足三趾之表集於足下而聚於足心故陽勝則足下熱也問曰寒厥必起於五趾而上於膝者何也對曰陰氣起於五趾之裏集於膝而聚於膝上故陰氣勝則從五趾至膝上寒其寒也不從外皆從內也厥或令人腹滿或令人暴不知人或至半

日遠至一日乃知人者何也陰氣盛於上則下虛下虛則腹滿腹滿則下氣重上而邪氣逆逆則陽氣亂亂則不知人巨陽之厥腫首頭重足不能行發為眴仆陽明之厥癰疾欲走呼腹滿不得卧面赤而熱妄見而妄言少陽之厥暴聾頰腫而熱脇痛脾不可運太陰之厥腹滿臑脹後不利不欲食食則嘔不得卧少陰之厥舌乾溺赤腹滿心痛厥陰之厥小腹腫痛腹脹涇洩不利好卧屈膝陰縮腫脰一作熱盛則瀉之虛則補之不盛

不虛以經取之上寒下熱先刺其項太陽久留之已則
火熨項與肩甲令熱下冷乃止所謂推而上之者也上
熱下寒視其虛脉而陷下於經絡者取之氣下而止所謂
引而下之者也刺熱厥者留針反為寒刺寒厥者留針
反為熱刺熱厥者二陰一陽刺寒厥者二陽一陰所謂
二陰者二刺陰也所謂二陽者二刺陽也

論曰溫病熱入腎中亦為瘕小兒病癩熱盛亦為瘕凡
風瘖暴尸厥及鬼魘不寤皆相似宜精察之故經言久

厥則成癲是以知似也

論曰癲病有五一日陽癲發時如死人遺溺有頃乃解
二曰陰癲坐初生小時臍瘡未愈數洗浴因此得之三
曰風癲發時眼目相引牽縱反急強羊鳴食頃方解由
執作汗出當風因以房室過度醉飲飽滿行事令心氣
逼迫短氣脉悸得之四曰濕癲眉頭痛身重坐熱沐髮
濕結腦汗未止得之五曰馬癲發時反目口噤手足相
引身皆熱坐小時膏氣腦熱不和得之

治五癩方

銅青

雄黃

空青

東門上雞頭

水銀

各一兩

茯苓

猪苓

人參

白芷

白歛

白薇

石長生

各二兩

卷栢

烏扇

各半兩

硫黃

一兩半

右十五味為末以青牛膽和著銅器中於甑中五斗大豆上蒸之藥成丸如麻子先食服三十丸日再夜

一

虎睛圓治濕癩掣瘕口眼張大口出白沫或作聲或死

不知人方

千金翼名大鎮心丸
主諸癩所不療者

虎睛

一具酒浸一宿而炙之

鬼箭羽

露蜂房二分

獨活

遠志

細辛

貫衆

麝香

白欵

一作白薇

升麻

白蘚皮

三兩

牛黃

防風

秦朮

防葵

龍齒

黃芩

雄黃

山茱萸

乾地黄

一方乾薑

防已

茯苓

鐵精

鬼臼

人參

大黃

銀屑

各四分

茯神

石膏

天雄

各五分

寒水石

六分

蛇蛻皮

一尺

右三十二味為末蜜和丸如梧子大酒服十五丸日

再稍加至二十五丸神方

凡癩發之候其狀多端口邊白沫動無常者治之方

秦朮

人參

防葵

一作防風

茯神

一作牡丹

甘草

各二兩

鈆丹

一兩

貫衆

一枚

右七味咬咀以水九升煮取三升半分三服

雄雌圓治風癩失性顛倒欲死五癩驚癩方

雄黃

雌黃

真珠各一兩

鉛二兩 今成屑

丹砂二分

水銀八分

右六味為末以蜜搗三萬杵丸如胡豆大先食服二

丸日二稍加以知為度

古今錄驗云療五癩牛癩則牛鳴馬癩則馬鳴狗癩則狗

嗥羊癩則羊鳴雞癩則雞鳴病五癩狂病者腑臟相引盈氣起寒厥不識人氣爭言方吐沫久而得蘇者

續命風引湯治中風癩眩不知人狂言舌腫出方

麻黃

芎藭

石膏

人參

防風

各三兩

桂心

甘草

獨活

各二兩

防己

附子

當歸

各一兩

杏仁

三十枚

陳薑

五兩一本
無陳字

右十三味㕮咀以酒三升水一斗合煎取四升分四

服日三夜一

紫石散治大人風引小兒驚癇瘈瘲日數十發醫所不

療者方

紫石英

滑石

白石脂

凝水石

赤石脂

石膏

甘草

桂心

牡蠣

各五兩

大黃

龍骨

乾薑

各四兩

右十二味治下節為粗散盛以韋囊懸於高涼處欲

用取三指撮以新汲井水三升煮取一升二合大人

頓服未百日兒服一合未能者綿沾著口中熱多者

日四五服以意消息

深師方只龍骨乾薑牡蠣滑石白石脂五味

治百二十種風癩癩驚狂發即吐沫不識人者四月五

月宜服之方

紫石英

芍藥

龍骨

一本用黃芩

青石脂

白鮮皮

麻黃

當歸

甘草

栝萸根

桂心

人參

各二兩

牡蠣

三兩

大黃

五兩

右十三味治下節為粗散分作七裹每以大棗十枚水三升煮取二升半去滓下一裹大棗十中煎取一升去滓頓服相去七日一服服訖即瘥

治癩癩厥時發作方

防葵

代赭

人參

鉛丹

白殭蠶

生豬齒

鈎藤

茯神

雷丸

虎骨

遠志

桂心

防風

分各六

卷栢

葇苈子

光明砂

升麻

附子

牡丹

龍齒

分各一

牛黃

分二

白斂

分四

蚱蟬

枚十四

蛇蛻皮

白馬眼睛各一具

右二十五味治下篩酒服方寸七日二亦可為丸良
驗

芎藭湯治風癩引脇牽痛發作則吐耳如蟬鳴方

芎藭

藁本

藺茹各五兩

右三味呔咀內酒一斗煮取三升頓服之羸者分再
服取大汗

治風癩方

經心錄名
鷓頭丸

葶藶子

鈎丹

虎掌

烏頭

栝蒌根 各三分

甘遂

天雄

蜀椒

大戟 各二分

白朮 一分

鐵精

蘭茹 各一兩

鴟頭 一枚

右十三味為末蜜丸如梧子湯酒下二九日三服

又方

地黃 三十斤

天門冬 十斤

右二味擣取汁作煎服之瘥

又方葶苈子三升擣篩酒一斗漬半日絞去滓湯中煎

令可丸先食服如小豆二丸加至如梧子二丸以知為
度額上手中從文理中赤起是知也無此候更服病日發
者三日愈間日發者十日愈五日發者二十日愈半歲
發者一月愈

治癩癩癩癩方

鈎丹

斤一

飛鴟頭

枚二

右二味為末蜜丸先食服三丸日三劇者夜一稍加
之

天門冬酒通治五臟六腑大風洞泄虛弱五勞七傷癥
結滯氣冷熱諸風癩癩惡疾耳聾頭風四肢拘攣猥退
歷節萬病久服延年輕身齒落更生髮白更黑方

天門冬與百部相似天門冬味甘兩頭方百部細長
而味苦令人利擣絞取汁二斗清麴二升麴發以糯
米二斗準家醞法造酒春夏極冷下飯秋冬溫如人
肌醎之酒熟取清服一盞常令酒氣相接勿至醉吐
慎生冷酢滑雞猪魚蒜特慎鯉魚亦忌油膩此是一

斗汁法餘一石二石亦準此以為大率服藥十日覺
身體癢疹大癢二十日更大癢三十日乃漸止此皆
是風氣出去故也四十日即覺身心朗然大快似有
所得五十日更覺大快當風坐卧覺風不着人身中
諸風悉盡用米法先淨淘米曝炕令乾臨欲用時更
別取天門冬汁漬米乾漉炊之餘汁拌飯甚宜密封
取天門冬汁法淨洗天門冬去心皮乾漉去水切去
壓取汁三四遍令滓乾如草乃止此酒初熟味酸仍

作臭泔腥氣但依式服之久停則香美餘酒皆不及也封四七日佳凡八月九月即少少合至十月多合擬到來年五月三十日以來相續服之春三月亦得合入四月不得合服酒時若得散服得力更倍速散方如左

散方天門冬去心皮曝乾搗作末以上件酒服方寸七日三加至三七久服長生凡酒亦得服

灸法

大人癩小兒驚癩灸背第二椎及下窮骨兩處以繩度
中折繩端一處是脊骨上也凡三處畢復斷繩作三折
令各等而參合如么字以一角注中央灸下二角俠脊
兩邊便灸之凡五處也故畫圖注以丹注所灸五處各
百壯削竹皮為度勝繩也

卒癩灸陰莖上宛宛中三壯得小便通即瘥

千金翼云當尿孔上

是穴 又灸陰莖頭三壯 又灸足大趾上聚毛中七壯

又灸囊下縫二七壯 又灸兩乳頭三壯 又灸督脉三

十壯三報穴在直鼻中上入髮際 又灸天窻百會各
漸灸三百壯炷惟小作 又灸耳上髮際各五十壯
論曰黃帝問曰有病怒狂者此病安生岐伯對曰生於
陽曰陽何以使人狂曰陽氣因暴折如難決故善怒病
名曰陽厥問曰何以知之對曰陽明常動太陽少陽不
動不動而動大疾此其候也曰治之奈何曰衰其食即
已夫食入于陰長氣於陽故奪之食即已使之服以生
鐵落為後飯夫生鐵落者下氣疾

論曰凡發狂則欲走或自高賢稱神聖皆須備諸火灸
乃得永瘥耳若或悲泣呻吟者此為邪非狂自依邪方
治之邪入于陽則為狂邪入于陰則為血痺邪入于陽
傳即為癩瘖邪入于陰傳則為痛瘖陽入于陰病靜陰
入于陽病怒

鼈甲湯治邪氣夢寐寤時涕泣不欲聞人聲體中酸削
乍寒乍熱腰脊強痛腹中拘急不欲飲食或因疾病之
後勞動疲極或觸犯忌諱衆諸不節婦人產生之後月

經不利時下青赤白肌體不生肉虛羸度小便不利或頭身發熱旋復解散或一度交接彌日因極皆主之方

鼈甲七枚

甘草

白薇一作白芷

貝母

黃芩各二兩

麻黃

芍藥

白朮各二兩半

防風三兩

凝水石

桂心

茯苓

知母各四兩

石膏六兩

右十四味㕮咀以水二斗煮取四升溫服一升日三夜一

九物牛黃圓治男子沾鬼魅欲死所見驚怖欲走時有

休止皆邪氣所為不能自絕方

牛黃

土精一云火精

荆實

人精

曾青

蒼龍精

玉屑

白虎精

空青

天精

雄黃

地精

玄參

玄武精

龍骨

水精

赤石脂

朱雀精

右九味名曰九精上通九天下通九地各一兩治下

篩蜜和丸如小豆先食服一丸日三稍加以知為度

千金翼云凡邪病當服五邪湯九精九瘥

十黃散治五臟六腑血氣少亡魂失魄五臟覺不安忽

忽喜悲心中善恐怖如有鬼物此皆發于大驚及當風
從高墮下落水所致悉主之方

雄黃

人參 各五分

黃芩

大黃

黃蘗

黃耆

細辛

桂心 各三分

黃連

黃昏

蒲黃

麻黃 各一分

黃環

澤瀉

山茱萸 各二分

右十五味治下篩未食温酒服方寸七日三不知加
至二七羸劣者更加人參五分合十分一方有生黃

二分崔氏有蜀椒五分

分乾薑四分

別離散治男女風邪男夢見女女夢見男悲愁憂恚怒喜無常或半年數月一發動方

桂心

茵芋

天雄

菖蒲

細辛

茜根

附子

乾薑各一兩

白朮

桑上寄生

各三兩

右十味治下篩酒服方寸七日三凡修合勿令婦人雞犬及病者家人知見令邪氣不去禁之為驗

四物鳶頭散治鬼魅方

東海鳶頭

即由跋根

黃牙石

一名金牙

莨菪子

防葵

各一分

右四味治下篩酒服方寸匕欲令病人見鬼加防葵

一分欲令知鬼主者復增一分立有驗防葵莨菪並

令人迷惑恍惚如狂不可多服

五邪湯治邪氣啼泣或歌或哭方

禹餘糧

防風

桂心

芍藥

遠志

獨活

甘草

白朮

人參

石膏

牡蠣

秦艽

各二兩

防己

菖蒲

茯神

雄黃

深師作黃丹

蛇蛻皮

各一兩

右十七味㕮咀以水二斗煮取四升分四服亦可如

煮散法服之

茯神湯治五邪氣入人體中見鬼妄語有所見聞心悸

跳動恍惚不定方

茯神

人參

菖蒲

茯

各三兩

赤小豆

四十枚

右五味㕮咀以水一斗煮取二升半分三服

人參湯治風邪氣往來發作有時或無時節方

人參

防風

烏頭

乾薑

澤瀉

栝萋根

翼作桔梗

狗脊

遠志

附子

黃芩

獨活

各五分

秦朮

牡蠣

五味子

山茱萸

前胡

細辛

石膏

芎藭

蜀椒

牛膝

甘草

石南

桑根白皮

桂心

麻黃

竹皮

白朮

橘皮

各十
八銖

鬼箭

千金翼
作澤蘭

茯苓

各十
二銖

大棗

十六
枚

右三十二味，咀以水六升，酒六升，合煮取四升，分

五服，日三夜二。

虎睛湯治狂邪發無常，被髮大叫，喚欲殺人，不避水火方。

虎睛

露蜂房

鵝頭 各一
具

楓上寄生 五
分

石長生分十

茯苓

桂心

防風各三兩

獨活

甘草

人參

天雄各一兩

右十二味㕮咀以水一斗二升煮取三升分四服日

三夜一

又方

防葵

人參

貫衆各五兩

防風

桂心各三兩

右五味㕮咀以水一斗煮取三升分四服稍服亦可

又方苦參五升蜜和丸如酸棗大單服十丸

治卒發狂方

令患人著地仰卧以冷水終日淋其面良

治百邪鬼魅方

服頭垢小豆大

治魅方

以水服鹿角末方寸七日三

治狐狸諸色精魅作種種惡怪令人恐怖狂癲風邪方

雄黃

斤六

油 一斗
二升

右二味破雄黃如碁子大鐺中以盆合頭作竈微火煎九日九夜不得少時火絕亦不得火冷須火熱微微不絕神驗

治風邪方

商陸根三十斤去皮細切以水八斗東向竈煎減半去滓更煎令可丸如梧子大服一丸合時勿令人見
葇若方及大豆紫湯皆可服汗出佳
葇若方出此篇前紫湯見別卷

又方燒蝦蟇末水服方寸七日三

又方燒人屎灰酒服慎生冷酢滑猪雞魚蒜等

又方以水服伏龍肝方寸七日三

治諸橫邪癩狂針灸圖訣

論曰凡諸百邪之病源起多塗其有種種形相示表癩邪之端而見其病或有默默而不聲或復多言而謾說或歌或哭或吟或笑或眠坐溝渠啜食糞穢或裸形露體或晝夜遊走或嗔罵無度或是蜚蠱精靈手亂目急

如斯種類癲狂之人今針灸與方藥並主治之

凡占風之家亦以風為鬼斷

扁鵲曰百邪所病者針有十三穴也凡針之體先從鬼
宮起次針鬼信便至鬼壘又至鬼心未必須併針止五
六穴即可知矣若是邪蠱之精便自言說論其由來住
驗有實立得精靈未必須盡其命求去與之男從左
起針女從右起針若數處不言便偏穴針也依訣而行
針灸等處並備主之仍須依掌訣捻目治之萬不失一

黃帝掌訣別是術家秘要縛鬼禁劫五嶽四瀆山精鬼
魅並悉禁之有目在人兩手中十指節間第一針人中
名鬼宮從左邊下針右邊出第二針手大指爪甲下名
鬼信入肉三分第三針足大指爪甲下名鬼壘入肉二
分第四針掌後橫文名鬼心入半寸即大淵第五針外
踝下白肉際足太陽名鬼路火針七銍銍三下即申脉
第六針大椎上入髮際一寸名鬼枕火針七銍銍三下
第七針耳前髮際宛宛中耳垂下五分名鬼牀火針七

銍銍三下第八針承漿名鬼市從左出右第九針手橫

文上三寸兩筋間名鬼路即勞宮穴也第十針直鼻上入髮

際一寸名鬼堂火針七銍銍三下即上星穴也第十一針陰

下縫灸三壯女人即玉門頭名鬼藏第十二針尺澤橫

文外頭接白肉際名鬼臣火針七銍銍三下此即曲池穴也第

十三針舌頭一寸當舌中下縫刺貫出舌上名鬼封仍

以一板橫口吻安針頭令舌不得動已前若是手足皆

相對針兩穴若是孤穴即單針之

邪鬼妄語炎懸命十四壯穴在口脣裏中央絃絃者是

也一名鬼祿又用剛刀決斷絃絃者乃佳

邪病卧瞑瞑不自知風府主之一名鬼穴

邪病大喚罵詈走灸十指端去爪一分一名鬼城

邪病大喚罵走遠三里主之一名鬼邪

邪病鬼癩四肢重顛上主之一名鬼門

邪病四肢重痛諸雜候尺澤主之尺中動脉一名鬼受

邪病語不止及諸雜候人中主之一名客廳凡人中惡先

押鼻下是也

倉公法狂癩不識人癩病眩亂灸百會九壯 狂走掣

癧灸玉枕上三寸一法頂後一寸灸百壯 狂走癩疾

灸頂後二寸十二壯 狂邪鬼語灸天窻九壯 狂走

灸大幽百壯 狂言恍惚灸天樞百壯 狂走癩癧灸

季肋端三十壯 狂癩哭泣灸手逆注三十壯穴在左

右手腕後六寸 狂走驚癧灸河口五十壯穴在腕後

陷中動脈是此與陽明同也 狂癩風癧吐舌灸胃管百壯不

針 狂邪發無常被髮大喚欲殺人不避水火及狂言

妄語灸間使三十壯穴在腕後五寸臂上兩骨間亦灸驚恐

歌 狂走喜怒悲泣灸臣覺一作攪隨年壯穴在背上甲

內側反手所不及者骨芒穴上捻之痛者是也 狂邪

鬼語灸伏兔百壯前作天憲九憲 悲泣鬼語灸天府五十壯

悲泣邪語鬼忙歌哭灸慈門五十壯 狂邪驚癇病

灸承命三十壯穴在內踝後上行三寸動脈上亦灸驚狂走也

狂癲風驚厥逆心煩灸巨陽五十壯 狂癲鬼語灸

足太陽四十壯 狂走驚恍惚灸足陽明三十壯 狂

癩癩易疾灸足少陽隨年壯 狂走癩厥如死人灸足

大趾三毛中九壯 翼云灸大敦 狂走易罵灸八會隨年壯

穴在陽明下五分 狂癩驚走風恍惚嗔喜罵笑歌哭

鬼語悉灸腦戶風池手陽明太陽太陰足陽明陽蹻少

陽太陰陰蹻足跟皆隨年壯 驚怖心忪少力灸大橫

五十壯 狂風罵詈搥斫人名為熱陽風灸口兩吻邊

燕口處赤白際各一壯 又灸陰囊縫三十壯令人立以

筆正注當下已卧核卵上灸之勿令近前中卵核恐害
陽氣也 狂走刺人或欲自死罵詈不息稱神鬼語灸
口吻頭赤白際一壯 又灸兩肘內屈中五壯 又灸背
胛中間三壯報灸之倉公法神效 鬼魅灸入髮一寸
百壯 又灸間使手心各五十壯 狐魅合手大指縛
指灸合間三七壯當狐鳴即瘥 卒狂言鬼語以甌帶
急合縛兩手大指便灸左右脇下對屈肋頭兩處火俱
起各七壯須臾鬼自道姓名乞去徐徐問之乃解其手

卒中邪魅恍惚振噤灸鼻下人中及兩手足大指爪

甲本令艾丸半在爪上半在肉上各七壯不止十四壯

姓如雀屎木 風邪灸間使隨年壯 又灸承漿七壯

又灸心輪壯 又灸三里七壯 卒狂鬼語針其足

大拇趾甲 下入少許即止

備急千金要方卷四十四

總校官中書臣朱 鈐

校對官中書臣范 鏊

謄錄監生臣張若 湘